



სსიპ ბუნებრივი რესურსების სააგენტო

კრავიანი სატრანსპორტო საშუალებების (CPV 34100000;) ელექტრონული
ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ.თბილისი

2012 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. დანართი № 1 აწიღავითის საილუსტრაციო ფორმა
6. დანართი № 2 პრეტენდენტთა მიერ წარმოსადგენი ინფორმაცია და დოკუმენტები
7. დანართი № 3 ტექნიკური დავალება
8. დანართი № 4 ფასების ცხრილი

1. ინსტრუქცია ტენდერში მონაწილეობის

1.1 იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

2. ტექნიკური დოკუმენტაცია

2.1 საკვალიფიკაციო მოთხოვნები - პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირისათვის: ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან.

2.1.2 ფიზიკური პირისათვის:

ა) პირადობის მოწმობის ან პასპორტის ასლი.

ბ) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლეთ.

2.1.3 როგორც იურიდიული ასევე ფიზიკური პირისათვის: პრეტენდენტმა უნდა წარმოადგინოს რეკვიზიტები, სატენდერო წინადადების ფასი და სატენდერო წინადადების მოქმედების ვადა, დანართი № 2-ის მიხედვით.

2.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს (ელექტრონული ტენდერის შემთხვევაში) ტენდერისათვის სტატუსის „წინადადების მიღება დაწყებულია“ ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ტენდერისათვის სტატუსის „წინადადების მიღება დაწყებულია“ ეტაპის დაწყებამდე არა უგვიანეს ოცდაათი დღისა.

2.3 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არაუგვიანეს 5 (ხუთი) სამუშაო დღეში (აღნიშნული დოკუმენტაციის წარმოდგენა შესაძლებელია ელექტრონულად, შესყიდვების ერთიანი ელექტრონული სისტემის შესაბამისი მოდულის მეშვეობით). არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4 პრეტენდენტ(ებ)ის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შესაძლებელია ელექტრონულად, შესყიდვების ერთიანი ელექტრონული სისტემის შესაბამისი მოდულის მეშვეობით. პრეტენდენტ(ებ)ის მიერ საკვალიფიკაციო მონაცემების წარმოდგენილობის შემთხვევაში, სატენდერო კომისია მოახდენს ამ პრეტენდენტ(ებ)ის დისკვალიფიკაციას.

2.5 პრეტენდენტ(ებ)ის მიერ წარმოსადგენი ამ პუნქტის 2.1.3. ქვეპუნქტით გათვალისწინებული ინფორმაცია და მონაცემები ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

2.6 ანგარიშსწორების პირობები:

2.6.1 სატენდერო წინადადებაში ერთეულის და საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით (მათ შორის ავტომანქანების ტრანსპორტირების, განბაჟებისა და შემსყიდველზე გადაფორმების გადასახადი)

2.6.2 ანგარიშსწორება მოხდება უნაღდო ანგარიშსწორებით ლარებში.

2.6.3 ანგარიშსწორება განხორციელდება საქონლის მიწოდების შემდეგ, მიღება-ჩაბარების აქტის და სასაქონლო ზედნადების წარმოდგენიდან არაუგვიანეს 20 (ოცი) სამუშაო დღის განმავლობაში.

2.6.4 პრეტენდენტს არა აქვს უფლება წარმოადგინოს ალტერნატიული წინადადება.

2.7 შესყიდვის ობიექტის ტექნიკური პარამეტრები:

2.7.1 შესყიდვის ობიექტის ტექნიკური დავალება და მისაწოდებელი საქონლის ფასების ცხრილის ფორმა მოცემულია დანართი № 3-ის და დანართი № 4-ის სახით.

2.8 მიწოდების პირობები და ვადები:

2.8.1 საქონლის მიწოდება უნდა განხორციელდეს ხელშეკრულების გაფორმებიდან 7 (შვიდი) კალენდარული დღის განმავლობაში.

2.9 დაფინანსების წყარო – საკუთარი სახსრები. (საკუთარი შემოსავლები)

2.10 შესყიდვის სავარაუდო ღირებულება – **93000 (ოთხმოცდაცამეტი ათასი) ლარი.**

2.11 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.12 სხვადასხვა ვალუტაში გამოსახული სატენდერო წინადადებები არ განიხილება.

2.13 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

შენიშვნა:

1. სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული (მათ შორის ავტომატების განბაჟებისა და შემსყიდველზე გადაფორმების გადასახადი) ყველა გადასახადის გათვალისწინებით.

2. პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

3. გამარჯვებულ პრეტენდენტს უნდა გააჩნდეს შესაძლებლობა საგარანტიო მომსახურება განახორციელოს ქ.თბილისში, მინიმუმ 1 (ერთი) სერვისცენტრში.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის მოთხოვნათა შესაბამისად, სსიპ ბუნებრივი რესურსების სააგენტოს მიერ სახელმწიფო შესყიდვის განხორციელების მიზნით, საკუთარი სახსრებით, ელექტრონული ტენდერის საშუალებით. (SPA -----) (CPV – -----)“

ერთის მხრივ სსიპ ბუნებრივი რესურსების სააგენტო (შემდგომში **შემსყიდველი**) სააგენტოს უფროსის პირველი მოადგილის გივი ქვრივიშვილის სახით, **მისამართი:** ქ.თბილისი, გ. გულუას ქ. № 6, ს/კ 204578581, **ტელ:** 727288. **საბანკო რეკვიზიტები:** ქ.თბილისი, ს.ს. „ლიბერთი ბანკი“-ს ცენტრალური ფილიალი, ბანკის კოდი LBRTGE22, ა/ა GE24LB0121112350449000 **ხოლო მეორეს მხრივ** _____

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული დანართით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 მიმწოდებელი იღებს ვალდებულებას მიაწოდოს შემსყიდველს 2 (ორი) ერთეული მსუბუქი მაღალი გამავლობის (ჯიპის ტიპის) ავტომანქანა (შემდგომში საქონელი) ამ ხელშეკრულების პირობების შესაბამისად.

3. საქონლის ღირებულება

3.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის გათვალისწინებით (მათ შორის: განბაჟება, სახელმწიფო რეგისტრაცია და ტრანსპორტირება) შეადგენს _____ ლარს.

4. საქონლის მიღება-ჩაბარება

- 4.1 საქონელი ჩაითვლება მიღებულად მხოლოდ მიღება-ჩაბარების აქტზე შემსყიდველის მხრიდან ხელმოწერის შემდეგ.
- 4.2 საქონლის მიღების დამადასტურებელ დოკუმენტაციას აფორმებენ სათანადოდ უფლებამოსილი პირები.
- 4.3 საგადასახადო ანგარიშ-ფაქტურის, მიღება-ჩაბარების აქტისა და სასაქონლო ზედნადების საფუძველზე შემსყიდველი ახდენს ანგარიშსწორებას მიმწოდებლისგან მიღებული საქონლისათვის.
- 4.4 საქონლის მიღების, საბოლოო შემოწმების შედეგად ან საგარანტიო პერიოდში გამოვლენილი დეფექტის ან ნაკლის აღმოფხვრას (გონივრულ ვადაში რომელიც არ შეიძლება იყოს 20 სამუშაო დღეზე მეტი, ახლით შეცვლა) საკუთარი ხარჯებით უზრუნველყოფს მიმწოდებელი.
- 4.5 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.
- 4.6 რისკები საქონლის გადაცემამდე მის ნაწილობრივ ან მთლიან განადგურებაზე ეკუთვნის მიმწოდებელს ხოლო საქონლის გადაცემის და შესაბამისი დოკუმენტაციის გაფორმების შემდეგ გადადის შემსყიდველზე.

5. საქონლის მიწოდების ვადები და ადგილი

- 5.1 საქონლის მიწოდება ხორციელდება ხელშეკრულების გაფორმებიდან 7 (შვიდი) კალენდარული დღის განმავლობაში.
- 5.2 საქონლის მიწოდება ხორციელდება შემსყიდველის მისამართზე: ქ. თბილისი, გ. გულუას ქ. № 6.

6. მხარეთა უფლება-მოვალეობანი

- 6.1 მიმწოდებელი ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი.
- 6.2 მიმწოდებელი უფლებამოსილია მოითხოვოს ანაზღაურება ამ ხელშეკრულების პირობების შესაბამისად.
- 6.3 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.
- 6.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.5 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

7. გარანტია

- 7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და შეესაბამება ხელშეკრულების მოთხოვნებს.
- 7.2 გარანტია:
 - 7.2.1 სავალ ნაწილებზე – მინიმუმ 1 წელი ან მინიმუმ 30000 კმ, რომელიც უფრო მაღე შესრულება;
 - 7.2.2 ძრავზე, გადაცემათა კოლოფზე და ხიდებზე – მინიმუმ 5 წელი.

8. ანგარიშსწორება

8.1 ანგარიშსწორება მიმწოდებელთან განხორციელება საქონლის მიწოდების შემდეგ, მიმწოდებლის მიერ მიღება-ჩაბარების აქტისა და სასაქონლო ზედნადების წარდგენიდან 20 (ოცი) სამუშაო დღის განმავლობაში.

8.2 ანგარიშსწორება განხორციელება უნაღდო ანგარიშსწორების ფორმით.

8.3 ანგარიშსწორება მიმწოდებელთან განხორციელება ლარებში.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა და ხელშეკრულების შეწყვეტა

11.1 მიმწოდებელი კისრულობს პასუხისმგებლობას გადაუხადოს პირგასამტეხლოს სახით შემსყიდველს ამ ხელშეკრულებით გათვალისწინებული საქონლის მიწოდების ვადების დარღვევის შემთხვევაში ხელშეკრულების ღირებულების 0,1 პროცენტი ყოველი ვადაგადაცილებული დღისათვის.

11.2 საგარანტიო პერიოდში, ამ ხელშეკრულების მე-4 მუხლის 4.4 პუნქტით განსაზღვრული ვადის დარღვევისათვის მიმწოდებელს დაეკისრება პირგასამტეხლო ხელშეკრულების ღირებულების 0,1 პროცენტის ოდენობით ყოველ ვადაგადაცილებულ დღეზე.

11.3 მხარეები თანხმდებიან, რომ თუ მიმწოდებელი საქონლის მიწოდებისათვის ამ ხელშეკრულებით დადგენილ ვადას გადააცილებს 10 (ათი) კალენდარული დღით, შემსყიდველი უფლებამოსილია შეწყვიტოს ხელშეკრულება და ვადაგადაცილებული დღეებზე დაეკისრებული პირგასამტეხლოს გარდა ხელშეკრულებით ნაკისრი ვალდებულებების შეუსრულებლობისათვის დაეკისროს პირგასამტეხლო მიმწოდებელს ხელშეკრულების ღირებულების 10 (ათი) პროცენტის ოდენობით, ასევე ხელშეკრულებით ნაკისრი ვალდებულებების შეუსრულებლობისათვის აამოქმედოს მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია.

11.4 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

11.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.5.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.5.2 მიმწოდებლის გაკოტრების შემთხვევაში;

11.5.3 საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების შესრულების კონტროლი

12.1 შემსყიდველს უფლება აქვს მიმწოდებლის მიერ საქონლის მიწოდებისას, განახორციელოს კონტროლი და/ან გამოცადოს საქონელი. კონტროლს ახორციელებს შემსყიდველის წარმომადგენლები: სსიპ ბუნებრივი რესურსების სააგენტოს ფინანსური დეპარტამენტის თანამშრომლები. (შემდგომში „ინსპექტირების ჯგუფი“).

12.2 ინსპექტირების ჯგუფის ფუნქციებია:

12.2.1 გაუწიოს კონტროლი საქონლის მოწოდების ვადების ხელშეკრულების მოთხოვნებთან შესაბამისობის დადგენას.

12.2.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

12.2.3 უზრუნველყოს მიწოდებული საქონლის მიღება.

12.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ფორს-მაჟორი

13.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი

გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით.

13.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

14.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2012 წლის 30 დეკემბრამდე.

15.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“

4. ღამათებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. მისამართზე: ქ.თბილისი, გ. გულუას ქ. № 6, სსიპ ბუნებრივი რესურსების სააგენტოს ფინანსური დეპარტამენტი, მე-2 სართული. ტელეფონი: 72-72-88. 599-16-31-30; საკონტაქტო პირი: დავით ტაბატაძე, თამარ ყუფარაძე.

5. აზიდაზიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

6. პრეტენდენტთა მიერ წარმოსაღებნი ინფორმაცია და დოკუმენტები

6.1 რეკვიზიტები:

- 6.1.1 პრეტენდენტის იურიდიული ფორმა და დასახელება;
- 6.1.2 ხელმძღვანელის სახელი და გვარი;
- 6.1.3 პრეტენდენტის იურიდიული ან/და ფაქტიური მისამართი;
- 6.1.4 საიდენტიფიკაციო კოდი;
- 6.1.5 პრეტენდენტის ტელეფონის ნომერი;
- 6.1.6 ელექტრონული მისამართი;
- 6.1.7 მომსახურე ბანკის დასახელება და ბანკის კოდი;
- 6.1.8 ანგარიშსწორების ანგარიში.

6.2 სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი - ფასების ცხრილთან ერთად.

6.3 სატენდერო წინადადების მოქმედების ვადა:

სატენდერო წინადადების მოქმედების ვადა განისაზღვრება ელექტრონული ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის მინიჭებამდე.

შ ე ნ ი შ გ ნ ა:

1. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების (ასეთის არსებობის შემთხვევაში) ცხრილი. ფასების ცხრილი წარმოადგენს ხელშეკრულების განუყოფელ ნაწილს.

2. პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.

7. ტექნიკური დამატება

7.1 შესყიდვის ობიექტს წარმოადგენს: 2 (ორი) ერთეული რუხი ან მუქი რუხი ფერის მსუბუქი მაღალი გამავლობის (ჯიპის ტიპის) ავტომანქანა.

7.2 ავტომანქანას უნდა გააჩნდეს არანაკლებ შემდეგი მაჩვენებლები და ტექნიკური მონაცემები:

- 7.2.1 გამოშვების წელი 2012 წელი;
- 7.2.2 ფერი – რუხი ან მუქი რუხი;
- 7.2.3 გადაცემათა კოლოფი - 6 სინქარიანი ავტომატური;
- 7.2.4 საწვავის ავზის მოცულობა მინიმუმ 51 და მაქსიმუმ 59 ლიტრი;
- 7.2.5 ბენზინის ძრავით - არანაკლებ 2315 სმ³ და არაუმეტეს 2385 სმ³, 4 ცილინდრიანი, 16 სარქველი;
- 7.2.6 ზომები: არანაკლებ (სიგრძე x სიგანე x სიმაღლე 4400x1800x1650 მმ) და არაუმეტეს (სიგრძე x სიგანე x სიმაღლე 4470x1880x1700 მმ);
- 7.2.7 ABS;
- 7.2.8 ESP;
- 7.2.9 ორი უსაფრთხოების ბალიში;
- 7.2.10 ფარდა ბალიშები;
- 7.2.11 გვერდითა უსაფრთხოების ბალიშები;
- 7.2.12 საჭის ჰიდროგამაძლიერებელი;
- 7.2.13 საჭიდან აუდიოსისტემის ავტომატური მართვა;
- 7.2.14 საჭის სიმაღლის და სიგრძის რეგულირება;
- 7.2.15 ცენტრალური საკეტი დისტანციური მართვით;
- 7.2.16 ელექტრო რეგულირებადი შუშები;
- 7.2.17 ელექტრო სარკეები გამათბობლით;
- 7.2.18 ელექტრო დასაკეცი სარკეები;
- 7.2.19 ქრომირებული სახელური;
- 7.2.20 სახურავის საბარგულის რეილინგები;
- 7.2.21 უკანა შუშის გამწმენდი და გამრეცხი;
- 7.2.22 წინა ნისლის საწინააღმდეგო ფარები;
- 7.2.23 ალუმინის დისკები;
- 7.2.24 საბურავები: R17 ზომის;
- 7.2.25 ეტალის ფაქტურით გაწყობილი სალონი;
- 7.2.26 ბორტ კომპიუტერი;
- 7.2.27 განათების ავტომატური ჩართვა-გამორთვა;
- 7.2.28 კლიმატ კონტროლი;
- 7.2.29 მაგნიტოლა: 7 inch touch screen display with GPS Navigation, Bluetooth and Audio (radio + CD + MP3);
- 7.2.30 უკანა ხედვის კამერა;
- 7.2.31 სალონის განათება;
- 7.2.32 წინა და უკანა სავარძლების გამათბობელი;
- 7.2.32 ტყავით გაწყობილი საჭე;
- 7.2.33 კრუიზ კონტროლი;
- 7.2.34 მძღოლის სავარძლის სიმაღლის რეგულირება;
- 7.2.35 ელექტრო რეგულირებადი მძღოლის სავარძელი;
- 7.2.36 ტყავის სალონი;
- 7.2.37 უსაფრთხოების ღვედები;
- 7.2.38 ბამპერი მანქანის ფერში;
- 7.2.39 Ipod კაბელი;
- 7.2.40 ძრავის დაქოქვის და გათიშვის ღილაკი;
- 7.2.41 ბადე საბარგულში;
- 7.2.42 გარანტია: სავალ ნაწილებზე – მინიმუმ 1 წელი ან მინიმუმ 30000 კმ, რომელიც უფრო მაღე შესრულებზე, ხოლო ძრავზე, გადაცემათა კოლოფზე და ხიდებზე – მინიმუმ 5 წელი.

შენიშვნა:

გამარჯვებულ პრეტენდენტს უნდა გააჩნდეს შესაძლებლობა საგარანტიო მომსახურება განახორციელოს ქობილისში, მინიმუმ 1 (ერთი) სერვისცენტრში.

8. ფასების ცხრილი

„____“ _____ 2012წ.
(შეშვების თარიღი)

სატენდერო წინადადების ფასი _____ (თანხა ციფრებით) (თანხა სიტყვიერად) ლარად.

№	საქონლის დასახელება	რაოდენობა	მწარმოებელი ქვეყანა	ერთეულის ფასი	საერთო ფასი
1	მსუბუქი მაღალი გამავლობის (ჯიპის ტიპის) ავტომანქანა	2 ერთეული			
სულ:					

პრეტენდენტის დასახელება _____

თანამდებობა, სახელი, გვარი _____

ხელმოწერა და ბეჭედი _____

შენიშვნა:

სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული (მათ შორის ტრანსპორტირების, განბაჟების და შემსყიდველზე გადაფორმების) ყველა გადასახადის გათვალისწინებით.